


Itimiqo ghenguno Baibel
kilekithi



Kungugha,
Alhou-u
jukighilepu
Ki



Yekipheu: Edward Hughes

Mijekutsu-u: Lazarus
Alastair Paterson

Shikithe kutsu-u: Sarah S.

Pekikide kutsu-u: Vikashe Achumi


Mulaphe kutsu-u: Bible for Children
www.M1914.org

©2020 Bible for Children, Inc.

License: Tsala tsaghi kaku hipau kuqu kidi shimokepu shi aye kaku
hipauye oghola launo yephelu eno tsughu phelu nani.



Kughou Jisu no ayeghilo xuchekelo Pano
Pakhopemiyo vilo Kunghugha ghili pesu
picheke. Pano Kungugha pesu
"Ipuh Ki" ipi che, eno tilehiye
ngokeyu ki kutomo
akhani pi. 'Mansion'
ye akungo-a akuloghi
eno akikheu jukivi
ki lakhi.



Kungugha ye yeghilo ki qouno
akuloghiu eno jukighi lepu ke.



Jisu no pi, "Ino wupuzu nongu sala a-a kutou ni, eno Ino wuno nongu ghenguno a-a kuto aye, Ni ampeuno ideighi kitheno nongu salu nani". Jisuye akithi lono xuithuve puzu Kungughalo ikuve putsa ke. Pakhopemi qono paju ithulughi Jisu ye Kungughalo saikuve, eno akhungu kusuno pa saluve.



Tishivekethiu, Khriston mino Jisu ayeghi lo ideighi
puzu panongu salu nani ipikeu tushokihi kumsulu
acheni. Jisu no paye timino kumsu mo mithe
akelono zule no ighi nani pi. Ikemu Khristo
pulu chekemi Jisu ighimiphi zuu
no thive aye kiushi venani
kya? Baibel lono pikeuno,
panonguye Jisu ideighi
kelo vejoie Jisu
gholo wuve nani.




ALHOU GHOLO
ANANI

Niphimpi hipau puhave
pinamu aghungu ye Alhou
gholo au venani ke.



Piyekusu, Baibel lo kaku ashekhau no Kungugha ye
kiutoi jukighilepu keno pitsu ani. Thime kumtsu
gholo akumzapuye, Kungugha ye Alhou Kungo-a Ki.
Alhou ye a-a kuchopu lo anie, ikemu Payekipe aye
Kungughake.



Kungumiqo eno kungughalo
Ihoxu jeli kumtsuno Kungughalo
Alhou mlla acheni. Tihutoi
Alhou-u timi Pa pulu cheno
thivekemi kumtsu kungughalo
Pa mlla acheni. Panonguye
akithele
pesuno
Alhou
sheqhe
pili acheni.




Panonguno ale lakhi phekeulo alejothi khamiqo:
NOYE AKUZUPU KE KUGHENGU
OJINO NINGU XALUKE.


ASHIAYEH ATSAJELI TIMI
KUTUTA MUQO GHOLONO
NONO NINGU PESUNO NI
LHOU ZULO
KUKAMI ENO
ACHINETOMI
SHI LUPEKE.
(Piyekusu
5:9)




Baibel lo kaku pa ashekhalau Kungugha pesu
"Jerusalem Akitheu" ipi puani. Hipauye ighono
akuloghi eno ighono chuqumughai keu liwono botha
puani. Aliwo boqhaye jasper-tu eno ayina toi
lumphuphui shipepuanike.




Aphughi puwu puakeu liwo goye amekushou-tu jeli kutomono pesu ananu shipepuani. Khagho lakhikhino achiku kuloghi lakhikhi lono shipuani.




Achiku kuloghi kikhagho khilemu khachemo
ke. Ningu sholokuu ilono homxha juni shilo ...
WOW! Kungughaye sholokuu no ighono juvi kithe
ani. Aphughi ye shunayi akimthe no shipe puani eno
ayina toi lumphuphui
anie. Alaghi
ghi shunayi
no mula
pepuani.




Alhou-u kuka lakhu lono jukivi akuxupuzu qouu akeu ghoki ipeghi ani. Aghoki hukukuu eno hikukuu akuxu subo ae, tikhikhi inahuu Eden Ghutulo acheghi keu ke. Asubo hipauye ighono pakuta keu subo lakhike. Asubo hipauye axathi ajeli ghuthu chighikini pithi cheni, aghi atsutsu lo axathi kutata pithi cheni, tipau nipaoye ashiayeqo shipivilukepu ghenguno ke.



Kungughaye akuvu ghenguno aghi momu khetsunhe
avehupu kuhae. Alhou jukuvuno vuqai yele acheni.
Tilehiye khilemu putho kuhae.



Tughashi eno lhoxu qhoghi kungughalo kuta ke.
Akuchopu aghokulu eno mutsah ivuneikego likhi.
Tungutugha eno bheriti kumtsa atsuni chu muza
cheni. Abongushuu ghi amishitsu toi aghijini chu ani.
Alhou no pi, "Iwu Akimithe naghutolo panonguye
kutsa kile keu eno shikupusa jeliqo shimo nani".




Ninguno ishi pishipuwo jukelo, thime jeli kutomo
Kungughalo kuha keu ithulu anie. Amulo kighide
tsah chilu amoe. Timi khumu
kichighikeu momu
ala kimine
ithulu amoe.
Tilehi
ahukikha
khapepua
aghikeu
shiamo,
kughengu
Kungughalo
ye kupukamigo
kuha.



Tilehi akimiki tsah pichekemi ghi kuhae, heghi bughi
chekemi kuha, tungumi qhoghi eno kutau lhokusa
kughamiqo ghi kuha.

Kungugha loye
kiu xinemu
kuha.




Kungughalo Alhou gholo ye
anhezu kipiji kuhae. Ado
khami loye, amuloghime launo
Alhou-u timi ayeghi hipaulo
xu akemiqo ye qah keu ghi
shicheni. Kungughaloye,
Alhou no anhezu kumtsu
isuvetsu nani.



Eno Kungughalo akithighi kuhae. Alhou-u timiqono
lhokuta kuxu Alhou gholo auve nani. Tilehi amulo
ghime kuhave nani, akuqah ghi kuha nani, ghiche
ghime kuhave nani.

Akusu kini, akithi
eno akukho
kuhave nani.

Timi kuchopu
Kungughalo
Alhou sasu
alokivi likhi
shi xu auve
nani.



Akuchopu gholo akiqheu, Itimi
kipitimi eno itimi totimi khunoqono
Jisu Khristo puluve eno Pa pesu
panonguu Xakulu eno Ampeu Alhou
ipi luveni keno Kungugha ye tipaqo
sala (kichimi salaghi ke).



Kungughalo Bheriti-u Akuxupu
Kaku ipi keu ani. Tilehi timi je
chitoi akhani. Noye tilehi
khunoqo je yepuani kela ithi
anikeo mokea? Timi khunoqono
Jisu shou phukhu luve keno
panoqo je likhi anie.
Oje tile aniema?



Baibel lo atsa ashekhau shi Kungugha kilekithi tsu
akeuye Kungughano jukighilepushi ningu kusu ani.



"Eno Aghungu eno kulaliuno piani, 'Ighilo!' Eno khunono 'Ighilo!' sutsa chilu keno tipaqo pelo ighi pelo. Eno khunono tughuthi anikeno ighilo. Khunono lunishi ani keno akuxupuzu kumsagho shighi ikhilulo".



Kungugha, Alhou-u jukighilepu Ki

Alhou launo ighi keu kughakiche Tsah, Baibel

hile no phulu nani

Johan 14; 2 Korinthiami 5;
Piyekusu 4, 21, 22

"Otsah/Okukutsu tsah iloghi keu lono akuvu
tsu cheni." Leshele 119:130



Ashekha shiva



Baibel lo kughakuche veche wono akumzapu Lhou ni pulho sutsu
keu ghili ithulu ani eno opelono ghi pa ithi penishi ani.

Alhouye ninguno akumla lhokusa shikeu kuchopu ithi ani, eno
pano tipaqo pesu axine ipi kuchen. Axine jume ye akithi, ikemu
Alhouno ayeghilomi kimiyekutuke ghenguno Pa Nu lakhi likhi
akeu, Jisu, pesu nixine ghenguno Kross lono aghashi thive pe.
Eno Jisu ye xu ithuve no Kungughalo pakilo uve. Nono Jisu pulu
eno pavilo oxinego qhivetsulo ipi khu aye, Pano shitsu nani. Pano
itehi ighino ogholo xu uve nani, eno noye lhokuta kuxu Pagholo
xu auve nani.

Nono hipauye kuchou ke ipi pulu aye, Alhou vilo ishi pilo:
Ampeu Jisu, noye Alhou kepi ino pulu ani, eno Nono timi phimpi
xhapu susu ixine ghenguno thive, eno Noye itehiye xuchilethuva.
Ilolo ighilo eno ixinego qhivetsulo, tishianguno niye itehi akuxu
kithe ithulu nani, eno ghulo lakhi niye Kungughalo ogholo lhokuta
kuxu xu auve nani.

Baibel philo eno pulhapuju Alhou sasu kuputsa lo. John 3:16

